

書名 杜氏通典二百卷 嘉靖十八年西樵方獻夫刊本

撰者 唐 杜佑 撰, 明 王德益、吳鵬 同校

卷 卷三十三

內容分類 史-政書-歷代通制

索書號 貴重-17

編號 B3510400

卷三十三



[彩色首頁1](#)

[東洋文化研究所漢籍目錄 編號: B3510400](#)

[東洋文化研究所漢籍目錄所藏漢籍善本全文影像資料庫 索書號: 貴重-17](#)

[漢籍善本全文影像資料庫文本 杜氏通典二百卷 嘉靖十八年西樵方獻夫刊本](#)

版權所有: [東京大學](#) [東洋文化研究所](#)

[使用上的注意事項](#)

杜氏通典卷第二十五

職官七

諸卿上 總論諸卿

太常卿 丞奉禮郎主簿 博士 太祝 兩京郊社署

光祿卿 丞良醞署主簿 掌醢署 太醫署 太公廟等署

衛尉卿 丞守宮署主簿 武庫署 珍羞署

宗正卿 丞諸陵署主簿 崇玄署 武器署 左右都候

太僕卿 丞典牧署主簿 乘黃署 典廐署

大理卿 丞司直評事監 獄丞 牧監

諸卿附 少卿

亦其任也齊書曰廣州西南有二江川源深遠別置督護專征討之陳伯超為西江都護沈顛
為南粵 大唐末徵中始於邊方置安東安西安南安
 北四大都護府後又加單于北庭都護府麟德元年改雲中都
 護為單于都護府置都護一人掌所統諸蕃尉撫征討斥候
 功總判副都護二人掌貳都護事其安長史司馬各
 一人錄事功曹倉曹戶曹兵曹法曹參軍各一人參
 軍事三人其安北單于唯有司馬倉曹兵曹各
 一人餘並不置

杜氏通典卷第三十二終

杜氏通典卷第三十三

職官十五

京尹京兆尹河南尹 左馮翊 右扶風
 留守附

郡太守 總論郡佐郡丞 別駕
 司馬

錄事參軍 司功 司倉 司馬
 司兵 司法 司士等 參軍 司戶
 參軍事博士

醫博士 中正 通守
 五官掾 督郵 郡尉

縣令 總論縣佐丞 主簿
 五百官

鄉官 鎮戍關市官

致仕官

京尹京兆尹河南尹 左馮翊 右扶風
 留守附

周官有內史秦因之掌治京師漢景帝二年分置左

右內史武帝太初元年更名右內史為京兆尹絕高

十德曰兆大衆所聚故曰京兆更名左內史為左馮翊馮翊輔翊也○秦

官有主爵中尉掌列侯○漢景帝中元六年更名都

尉武帝太初元年更名右扶風扶助風也與左馮翊京

兆尹是為三輔治長安城中三輔黃圖曰長安以東為京兆長陵以北為左

馮翊渭城以西為右扶風皆治在城中故趙廣漢漢嘆曰亂吾治者二輔也誠得兼之直差異耳銀章

青綬進賢兩梁冠絳朝服佩水蒼玉凡州所監都為

京師置尹一人丞一人趙廣漢字子都為京兆尹以和顏接士推功於掾吏發於

至誠吏見者皆輸寫心腹廣漢精於吏事尤善為鉤鉅以得民情其發姦隨伏如神冬獄當斷先為請棺

皆曰死無所恨又張敞為尹一日捕諸偷得百數人由是枹鼓稀鳴市無偷盜又王遵王章王駿並為京

兆尹皆有京師稱曰漢初三輔治長安後漢都維前有趙張後有三王

陽置河南尹以三輔陵廟所在不改其號但減其秩

與太守同後漢延篤字叔固及邊鳳皆京尹並有雉名詁曰前有趙張後有逸延趙張謂趙廣

漢及張敞後漢左馮翊右扶風屬司隸尋省○魏晉為京

兆太守○後周都關中又為京兆郡○隋京兆郡置

尹并佐吏合二百四十四人○大唐京兆府本為雍

州置牧一人以親王為之太宗為秦王中宗為英王

睿宗為相王時並居其任多以長史理人開元元年

改雍州為京兆府置牧如故掌宣風導俗肅清所部

或以親王居閣而遙領焉初雍州置別駕以貳牧之

事永徽中改別駕為長史開元初改雍州長史為京

兆尹總理衆務凡前代帝王所都皆曰尹南朝曰冊陽尹後魏



初曰代尹東魏曰○河南尹其地在周為王城成王

命君陳分正東郊成周曰尹茲東郊
蓋今河南牧之任亦留守之始

○秦兼天下置三川守三川河洛伊也秦○漢興更

名三川為河南後增守為太守王莽改太守為大尹

改河南大尹為保忠信卿光武中興徙都洛陽改太

守為尹章綬服秩與京兆同主京都特奉朝請李膺

南○魏晉皆為河南尹魏司馬芝為河南尹莫有及

益於氏皆隱其端迹若不由已出後魏大和中遷都

洛陽又置河南尹○東魏置洛州刺史○後周置洛

州總管尋罷之○隋初為洛州刺史復為河南內史

樊子蓋檢校河南內史屢有治績文帝大業初為荆

河州刺史又為河南太守尋為河南尹與京兆同○

大唐武德四年置洛州都督貞觀十七年改為刺史

顯慶二年置東都改刺史為長史而洛州本置牧一

人以親王為之中宗為周王時及衛王重俊實居其

任多以長史理人至開元元年改洛州為河南府改

長史為尹其牧尹之制一如京兆亦如之各有少

尹二員通判府事京兆少尹魏晉以來治中之任隋

後又改為丞武德初復為治中末徽元年以太皇帝

諱改為司馬本一員太極元年雍洛二州各加司馬

一員分為左右開元開元以後增置太原府為北京

官屬制置悉司兩京初武太后長壽元年以并州后

元十一年又以并州高祖起義之始復置大原府號



中府至六月而罷後上元元年復置○留守周之君
岐州為鳳翔府又以益州為成都府
陳似其任也此後無聞後漢和帝南巡祠園廟張禹
以太尉兼衛留守晉張方劫惠帝幸長安僕射荀藩
等與其遣官在洛陽為留臺承制行事號為東西臺
至安帝時劉裕置留臺其有官又後魏孝文南伐以
太尉元丕廣陵王羽留守京師後並加使持節大唐
留守之制蓋因此也高宗儀鳳元年司農卿常弘幾
為中宮所使至都所為橫恣幾執而囚之因奏曰道
士假稱中宮驅使依倚形勢臣恐虧損皇明為禍患
之漸高宗時發中使賜書慰諭仍云不須漏泄武太
后臨朝垂拱三年文昌右丞相蘇良嗣為京留守時
時尚方監裴射檢校京苑將鬻苑中果菜以收其利
良嗣駁之曰昔公儀相魯猶能拔葵去織未聞萬乘
之主鬻其果菜
以與下人爭利

郡太守

郡守秦官奏滅諸侯以其地為郡置守丞尉各一人
守治民丞佐之尉典兵○漢景帝中元二年更名郡
守為太守凡在郡國皆掌治民進賢勸功決訟檢姦
常以春行所主縣秋冬遣無害吏按訊諸囚平其罪
法論課殿最按律有無害都吏言如公平吏漢
書蕭何以文無害為沛主吏掾并舉
孝廉漢制歲盡遣上計掾吏各一人條上郡內衆事
謂之計階簿郡為諸侯王國者署內吏以掌太守之
任宣帝以為太守吏民之本數變易則下不安民知
其將久不可欺罔乃服從其教化每拜刺史守相輒
親見問觀其所繇退而考察以質其言質常稱曰與

我共治者唯良二千石乎是以漢世良吏於是為盛

稱中興焉之責其大指而已黠多病卧閣內不出歲

餘東海之治召為淮陽守而黠辭之上曰君薄淮陽

邪吾欲得君重卧而治之乃行又王遵為東郡太守

字聖通與弟野王相代為西河上郡人歌之曰大馮

君小馮君兄弟繼踵相因循聰明賢智惠吏民政如

魯衛德化均周公康叔猶二君又召信臣字翁卿為

南陽民號為召父龔遂字少卿為勃海民有帶持刀

劍者使賣劍買牛賣刀買犢何為帶牛而佩犢乎又

文翁為蜀郡修起學宮天下郡國皆立學校官自文

翁始也又黃霸為潁川以禮義教喻犯法者諷曉令

自殺風化大行以禮義為治又漢雜事曰蔣蒲為

兆尹而至丞相復以禮義為治又漢雜事曰蔣蒲為

上黨其子萬為北地都尉同詔徵見宣帝曰父子割

符邪即詔滿為淮陽相萬為弘農守史記曰杜周為

御史大夫家兩子夾河為守又循吏傳叙曰王成黃

霸朱邑龔遂鄭弘召信臣等所居民富所去見思生

秩凡戶十二萬為大郡帝又下制令諸侯王相位在

太守成帝綏和元年省內史以相治民則相職為太

守哀帝初御史大夫王嘉上疏曰近日公卿以下變



守曰大尹。後漢亦重其任寇恂字子翼為潁川守

川百姓遮道曰願陛下復借寇君一年乃留鎮之又

張堪字君遊初去蜀郡乘折轅車而已後為漁陽謹

曰桑無附枝麥穗兩岐張君為政樂不可支又宋均

字叔庠為九江蝗蜚南到九江界輒東西分又廉范

字叔度為蜀郡民歌曰廉叔度來何暮昔無襦今五

車致兩白鹿方道夾轂而行又魏朗為河內以清嚴

為治為三河之表又黃昌為蜀郡未到時蜀有童謡曰兩日出天兵戢又杜詩為南陽人方之召信臣語曰前有召父後有杜母又孟嘗字伯周為合浦而珠還又劉琨為弘農虎負子渡河又王常字敬伯為巴郡民生為立祠又何敞為汝南疾文俗吏以苛刻求名稱立春日常自督郵還府分遣儒術大吏察行屬縣是以郡或以尚書令僕射出為郡守鍾離意黃香桓榮胡廣是也

或自郡守入為三公虞延第五倫桓三國時有郡守國相內史吳劉寵字祖榮為會稽太守狗不夜吠將去山陰父老七人人齎百錢送寵寵

為選受一大錢故人號為取一○晉郡守皆加將軍錢後入居九列四登三事也

無者為耻王導求嘉末選丹陽太守加輔國將軍導上賤曰昔魏武達政之主也荀文君功臣

之最也封不過亭侯舍舒愛子之寵贈不過別部司馬今者臨郡不問賢愚皆加重號輒有鼓蓋有不得

者為耻導襲名竊位取系彝典謹送鼓蓋加崇之物請從導始帝嘉而從之初太始中詔守相三載一巡屬縣必以春此古者所以述職省俗宣風展義也又

山公啓事曰晉制春夏農月不遷改長吏郡守縣令

之屬以其妨晉宋守相內史並銀章青綬進賢兩梁農事故也

冠梁謝朓字敬仲齊時為義興太守加秩中二千石不省雜事悉付綱紀曰吾不能作主者吏但能作

太守耳又任昉為吳興太守清潔有介劉溉與弟洽從昉為山澤遊被夜代而還無衣沈約遺裙迎也

○後魏初郡置三太守說在刺孝文初二千石能靜

二郡至三郡者遷為刺史說在縣太和中次職令郡

太守內史相縣令並以六年為限○北齊制郡為上

中下三等每等又有上中下之差自上上郡至下下

郡凡九等○後周郡太守各以戶多少定品命○隋

郡太守如北齊九等之制至開皇三年罷天下諸州

郡以州統縣楊士希上表曰當今郡縣倍多於古十

大帝嘉之遂罷諸郡大業三年又改州為郡郡置太守○大唐

武德元年改郡為州改太守為刺史加號持節總管

使持節按魏晉制有使持節持節假節使持節得戮

二千石以下持節得戮無官人若軍事得與使持節

同假節唯軍事得戮犯令者皆是刺史兼總軍戎苦

今採訪節度使也自宋齊以降雖天下分裂其州郡

漸眾及隋開皇初有州三百一十郡五百八以官煩

人弊遂廢郡便以州親人則刺史如太守之職自後

雖官名屢改而職事不易蓋制置之際不詳源本因

習舊名遂有持節諸軍之虛稱其屬官別駕以下錄

事功戶諸曹參軍事亦多漢晉之制若今之節度採

訪副使判官之任本置別駕乘一車行部其參軍錄

事皆佐戎旅令並無其實豈所謂必也正名者乎又

按加刺史持節軍事之名以為榮寵則邊荒萬里三

數百戶小郡亦同此號又無以別遠近小大之差輕

重閑劇之異也顯慶元年都督府及上州各置執刀

十五人中州下後加號為使持節諸軍事而實無節

州各置十人但頒銅魚符而已天寶元年改州為郡刺史為太守

漢文帝二年初興郡守為銅虎符竹使符說在符寶

節篇至隋開皇七年又別頒青龍符於東方總管刺

史西方以騶虞南方朱雀北方玄武九年又頒木魚

符於總管刺史雌一雄二至十年悉頒木魚符於五

品以上官義寧二年罷竹使符頒銀兔符於自是州

郡太守更相為各其實一也太宗初理天下也重親



人之任疏督守之名于屏俯仰視焉其人善惡必書

其下是以州郡無不率理貞觀中賈敦實為饒陽令

得聯官敦實兄敦順復為京州刺史朝廷以其兄弟

廉謹許令同州竟不遷替時人榮之敦實歷遷洛州

長史初敦順為洛州刺史甚有惠政百姓樹碑頌美

及敦實去職又立頌於兄碑之傍故人呼為棠棣碑

逮貞觀之末升平既久羣士多慕省閣不樂外任其

折衝果毅有材力者先入為中郎郎將次補郡為其

輕也如是○武太后臨朝垂拱二年諸州都督刺史

環奏曰竊以物議重內官而輕外職凡所出守多因
 貶累非所以澄風俗安萬人臣請擇才於臺閣省寺
 之中分與大州共康庶政臣等請輟近侍率先具察
 太后仍令畫各採之中者當行於是鳳閣侍郎韋嗣
 立御史大夫楊再思等二十人之中皆以本官檢校
 刺史後二十人內以政績可稱者獨常州刺史司馬鍾二人而已當時復
 有為員外刺史者永平中成王李千里歷遷襄州員外刺史神龍初以譙王重福之妃
 張易之甥也貶重福為濮州員外刺史福不領州務開元中定天下州縣自京
 都及都督都護府之外以近畿之州為四輔同華岐
 謂之四輔八年都督刺史品卑者借緋魚袋按武德
 令三萬戶以上為上州未徵令二萬戶以上為上州
 顯慶元年九月初戶滿三萬以上為上州二萬以上
 為中州先以為上州中州者仍舊至開元十八年三



月初太平時戶口日殷宜以四萬戶為上州
 二萬五千戶為中州不滿二萬戶為下州六千戶以
 上為上縣三千戶以上為中縣其餘為六雄鄭陝沐絳懷
 中縣不滿二千戶為下縣魏六州為六
 雄十望宋毫滑許汝晉洛上及上中下之差凡戶四
 為上州二萬五千以上為中州不滿二萬為下州亦
 有不約戶口以別勅為上州者又謂近畿者為畿內
 州戶雖不滿四萬亦為上州其親王任中下州刺史
 者亦為上州王去任後即依舊式天寶中通計天下
 凡上州一百九中州二十九下州一百八十九擡三
 百二十七州也時南海太守劉巨鱗以賊罪詔杖殺
 之自至德之後州縣凋弊刺史之任大為精選諸
 州始各有兵鎮刺史皆加團練使故其任重矣

總論郡佐
 郡丞 別駕 長史 司馬
 錄事參軍 司功 司倉
 司戶 司兵 司法 司士
 參軍事 經學博士 醫博士
 中正 通守 五官掾
 督郵 郡尉

郡之佐吏秦漢有丞尉丞以佐守尉典武職○後漢

諸郡各置諸曹掾史略如公府曹無東曹蔡質漢儀曰河南府掾出考與從事同又後漢書曰螟虫不入中矣河南尹疑不實使仁恕掾往兼之是也。○晉宋

以下雖官曹名品互有異同大抵畧如漢制。○北齊上郡太守屬官合二百一十人以下郡遞減之。○隋

初以州為郡無復軍府則州府之職參為郡官故有長史司馬錄事參軍功戶兵法等七曹稍與今制同

開皇三年詔佐官以曹為名者並改為司十二年諸司州從事為名者並改為參軍又制刺史二佐每歲

暮更入朝上考課煬帝置通守替治東西曹掾主簿司功倉戶兵法士等書佐各因郡之大小而為增減

改行參軍為行書佐。○大唐州府佐吏與隋制同有別駕長史司馬一人大都會府司馬有左右二員凡別駕長史司馬通謂之上佐

錄事參軍京府謂之司領參軍置二人餘並為錄事參軍大與上都督府亦二人餘州府一人

司功司倉司戶司兵司法司士等六參軍景龍三年諸州加置司田開元中省乾元之後又分司戶置參軍一員位在司戶下諸州則曰田曹開元中省乾元之後又分司戶置焉以其廢置不恒故不列比在府為曹在州為司

大與上府置二員州置一員自司功以下通謂之判司參軍事各有差京府參軍事有六員餘州或四或五博士一員醫博士一員

大凡以州府大小而為增減。○郡丞秦置之以佐守漢因而不改漢黃霸為河東郡丞後漢趙温字子柔為京兆郡丞嘆曰丈夫當雄飛安能雌伏遂棄官去

後官至三公。○晉成帝咸康七年省諸郡丞唯丹陽宋文帝元嘉四年復置齊梁有之至隋開皇三年改別

駕治中為長史司馬至煬帝又罷長史司馬置贊治

一人後又改郡贊治為丞位在通守下今郡丞廢矣

其職後分為別駕長史司馬此說在自隋為郡府之官

去從事史隋趙軌為齊州別駕有能名在州四年考績連最詔徵入朝父老禪滌隨送曰公清

如水請酌一杯水大唐永徽二年改為長史前上元

元年復置別駕多以皇族為之神龍中廢開元初復

置始通用庶姓天寶八年以玄宗由潞州別駕入定

內難遂登大位乃廢別駕官至德中復置諸府州各

一人而大都督府不置通判其事以貳都督刺史之

職。長史秦置郡丞其郡當邊戍者丞為長史掌兵

馬漢因而不改古今注曰守相病丞長史行事後其罷邊郡太守丞而長史領丞職

後長史遂為軍府官至隋為郡官大唐初永徽二年

改別駕為之其後二職並置府州各一人王府長史

理府事餘府通判而已。○司馬本職武之官自魏晉

以後刺史多帶將軍開府者則置府寮司馬為軍府

之官理軍事晉謝奕字無奕桓溫辟為安西司馬在温座岸幘嘯詠如常温曰我方外司馬

也宋制司馬銅印墨綬絳朝服武冠至隋廢州府之

任無復司馬而有治中焉治中舊州職也舊謂隋州以前

廢遂為郡官說在州佐開皇三年改治中為司馬隋

恭懿為澤州司馬有異績遷德州司馬治為天下之最文帝曰此乃上天社稷之所祐豈朕寡薄能致之乎遷海

州刺史煬帝又改司馬及長史併置贊治一人尋又

改贊治為郡丞天唐武德初復為治中貞觀二十三

年高宗即位遂改諸州治中並為司馬長安元年洛

六州置左右司馬各一員四年復舊太極元所職與

長史同○錄事參軍晉置本為公府官非州郡職也

掌總錄衆曹文簿舉彈善惡後代刺史有軍而開府

者並置之自後漢有郡主簿官職與州主簿同後漢

字敬伯為汝南太守教掾吏曰古人勞於求賢逸於

任使其憲章朝夕簡覈才職委功曹陳蕃匡政理務

拾遺補闕任主簿應嗣自此不復繆有辭教郡內稱

理又王允字子師仕郡為主簿晉陶侃立法祖等並

為隋初以錄事參軍為郡官則并州牧主簿之職矣

煬帝又置主簿大唐武德元年後為錄事參軍開元

初改京尹屬官曰司錄參軍掌府事勾稽省署杪目

糾彈部內非違監印給紙筆之事乾元元年如進一

與錄事異禮尊其任也○司功參軍兩漢有功曹

史主選署功勞後漢范滂字孟博汝南太守宗資請

皆掃迹滂外甥李頌為鄉曲所棄中官以頌請資滂

以非其人不可遣乃止郡中中人以下莫不歸怨乃指滂所用謂

之范黨誰曰汝南太守范滂孟博南陽宗資主畫諾又

岑暉字公孝南陽太守成瑨請為功曹諱曰南陽太

守岑公孝弘農成瑨但坐牖又許劭字子將為郡功

曹府縣聞子將為吏莫不改操歸行子將正執歷代

機衡允齊風俗所稱如龍之升所貶如墮于淵歷代

皆同晉山濤年四十始為郡功曹後位至司徒又劉

汰郡吏百餘人三魏僉曰但聞劉功曹不聞杜府

君決錄曰孫晨為功曹十月有藁一束暮卧其中北

齊諸州有功曹參軍隋亦然又罷郡置州以曹為名

者改曰司煬帝罷州置郡改曰司功曹佐大唐改曰

司功參軍開元初京尹屬官及諸都督府並曰功曹

參軍而列郡則曰司功參軍令掌官園祭祀禮樂學

校選舉表疏醫筮考課喪葬之事○司倉參軍兩漢

有倉曹史主倉庫後漢戴就字景成仕郎為倉曹掾

簿領五毒慘至郡事遂釋北齊以下並同功曹大唐亦掌倉廩庖

厨財物廩市之事○司戶參軍漢魏以下有戶曹掾

主民戶後漢陸績李邵皆仕郡皆戶曹史邵官至司空北齊以下與功曹同

大唐掌戶口籍帳婚姻田宅雜徭道路之事○司兵

參軍漢司隸屬官有兵曹從事史蓋有軍事則置之

以主兵事至北齊以後並同功曹大唐掌軍防烽驛

傳送馬門禁田獵儀仗之事景龍四年許州司兵燕

之○司法參軍兩漢有決曹賊曹掾主刑法歷代皆

有或謂之賊曹或為法曹或為黑曹後漢書曰周燕

曹掾太守欲枉殺囚燕數諫不聽遂殺囚囚家詣闕

稱究詔遺覆考燕謂太守曰願謹定文書皆署燕名

府君但言時病而已使收燕遂死之燕有五子皆

至刺史太守又黃昌亦為郎決曹史又郭弘為潁川

郡決曹掾治獄至三十年用隋以武與功曹同隋陳

法平正郡內比之東海于公無聞北齊以後與功曹同大唐掌管河津營造橋梁

廨宇之事○參軍事後漢靈帝時陶謙以幽州刺史

參司空車騎張溫軍事獻帝時孫堅亦為張溫參軍

苞軍事是也楚輕苞謂晉時軍府乃置為官員中軍

曰天子命我參卿軍事歷代皆有至隋為郡官謂之書佐



大唐改為參軍掌直侍督守無常掌職有事則出使

前代又有行參軍者晉河間王顥以太宰輔政始置之掌使命歷代皆有大唐惟王府有之餘則無矣

○經學博士漢郡國皆有文學掾漢鄭崇為郡文學後漢光武問功臣

曰諸卿不遭際會自度爵祿何所至乎鄧禹曰臣少嘗學問可郡文學歷代多闕隋潘徽為

州博大唐府郡置經學博士各一人掌以五經教授

學生多寒門鄙儒為之助教學生各有差○醫博士一人大

唐開元十一年七月制置階品同于錄事每州寫本

草百一集驗方與經史同貯其年九月御撰廣濟方

五卷頒天下貞元十二年二月御撰廣利方五卷頒

天下自今以後諸州府應闕醫博士宜令長史各自

訪求選試取人藝業優長堪効用者具以名聞已出

身人及前資官便與正授其未出身且令權知四考

後諸州司奏與正授餘准恒式吏部更不須選集○

中正魏置中正之始已具州中正篇晉諸中正率一國所推臺閣

取信後魏孝明正光元年罷諸郡中正北齊郡縣皆

有之他史多闕隋初有後罷而有州都大唐並無此

官每歲貢士符書所闕及鄉飲酒之禮則司功參軍

主其事○通守煬帝置每郡各一人位次太守而京

兆河南謂之內史大唐無○五官掾後漢有之署功

曹及諸曹事後漢諒輔字漢儒仕郡為五官掾夏大旱太守自祈禱無應輔乃自曝庭中視

曰輔為股肱不能進諫納忠薦賢去惡和調陰陽順承天意乃積薪以自環篝火其旁曰若日中不雨將

自焚未及今無之○督郵漢有之掌監屬縣有東西

南北中部謂之五郡督郵也故督郵功曹之極位漢

翁歸為河東督郵時太守田延年分河東二十八縣

為兩部閔儒部汾北翁歸部汾南舉法皆得其罪屬

縣長史雖中傷莫有怨者又孫實為京兆尹以立秋

日署武吏侯文為東部督郵勅之曰今日鷹準始擊

當順天氣取姦惡以成嚴霜之誅後漢歐陽歙為汝

南太守汝南舊俗十月鄉會百里內縣皆齋牛酒宴

飲臨饗禮畢歙教曰西部督郵延年天資忠貞不嚴

而治宜顯之于朝主簿讀教訖功曹鄧暉前曰司正

舉觥以君之罪造謝于天案延年資性貪邪罔上害

人明府以惡為善股肱以直從曲臣暉敢再拜奉觥

歙慙不知所言門下掾鄭敬進曰君明臣直功曹切

直明府德也可無受觥歙曰實歙之罪也敬受觥暉

免冠謝遂不宴而罷又陳球為繁陽令時魏郡守調

縣求賄球不與太守怒撻督郵令逐球督郵不肯曰

魏郡十五城獨繁陽有異政令郡尉等都尉附秦官

逐之將致議於天下太守乃止郡尉等都尉附秦官

有郡尉掌佐守典武職甲卒漢凡郡口二十萬舉一

人典兵禁備盜賊景帝更名曰都尉武帝元鼎四年

又置三輔都尉各二人譏出入邊郡置農都尉王屯

田殖穀又置屬國都尉主蠻夷降者中興建武七年

省諸郡都尉并職太守無郡都試之役漢書儀曰民

正一歲以為衛士一歲為材官騎士習射御馳陣八

月太守都尉令長相丞尉會都試課殿最水家為樓

船亦習戰射年五十六老衰乃得免為民就田今乃罷其役

每有劇賊郡臨時置

都尉事訖罷又省關都尉唯邊郡往往置都尉及屬

國都尉宋志曰光武省都尉後往稍有分縣治民北

郡安帝以西羌盛三輔有陵園之守乃復置右扶風

都尉於雍京兆虎牙都尉於長安自後無問至隋煬

帝時別置都尉領兵與郡不相知又置京輔都尉立

府於潼關主兵鎮大唐無其制



縣令

周官有縣正四百里為縣各掌其縣之政令而賞罰之春

秋時列國相滅多以其地為縣則縣大而郡小故小

云上大夫受縣下大夫受郡周書作維篇曰千縣之

長曰宰曰尹曰公曰大夫晉謂之大夫魯謂之公尹其職一

也孔子為中都宰一年四方皆則之由中都宰為司

毀日至然吾使人視即墨田野碎人民給官無留事

東方以寧是子不事吾左右以求名也封之萬家召

阿大夫語曰自子之守阿名曰聞然吾使人視阿田

野不辟民人貧苦是子以幣厚吾左右以求名也乃

烹阿大夫左右常稱者皆并烹之遂起兵擊諸侯諸

侯震懼人人不敢飾非務盡其誠齊國大治又子產

理鄭人不能欺宓子賤理單父人至于戰國則郡大

而縣小矣故甘茂謂秦武王曰宜陽大縣名曰縣其

實郡也○漢制列侯所食縣曰國皇太后公主所食

曰邑有蠻夷曰道凡縣萬戶以上為令減萬戶為長

侯國為相秩次亦如之皆秦制也漢因之漢書曰凡

百里民稠則減稀則曠成帝綏和元年長相墨綬哀帝建平二

年復黃綬秋冬集課上計於所屬郡國胡廣云秋冬

戶口墾田錢糧入出盜賊多少上集簿丞尉以下歲

請郡課校其功功多在為最者於廷尉勞勉之以勸

其後負多尤為殿者於後曹對責以糾怠慢也卓茂

為密令勞心諄諄視民如子民不敢欺光武初即位

詔曰前密令卓茂能為人所不能為夫名冠天下當

受天下重賞今以茂為大傅封褒德侯食邑三千戶

以茂長子為大中大夫次子為郎中又魯恭字仲康

為中牟令專以德為治螟不犯境雉馴其旁童子有

仁心此三異也恭官至司徒又周樂字平孫當竇憲

縱暴常排奏之及竇氏敗榮自鄆令擢為尚書令

又劉昆字桓公為江陵令縣連災火現輒向火叩頭

降雨止風又戴封為西華令大旱祈禱無獲乃積薪



自焚火起而雨大降又王渙為洛陽令人為立祠及桓帝事黃老道毀諸旁祠唯特詔密縣留卓茂廟及渙祠也又漢官曰明帝臨觀見洛陽令車騎意河南尹及至而非左其泰盛勅去軒綏時偃師長治有能各以事請臺因取賜其郡有鹽官鐵官工官都水官之下縣遂以為故事

者隨事廣狹置令長及丞秩次皆如縣道無分土給

均吏後漢凡郡縣出鹽多者置鹽官主鹽稅出鐵多者置鐵官主鼓鑄有工多者置工官主稅物有

水池及漁利多者置水官主平水收漁稅所在諸縣均差吏更給之置吏隨事不具縣員○晉制

大縣令有治績官報以大郡山公啓事曰溫令許奇等並見能名雖在職各

日淺宜顯報大郡以示天下詔曰披其資歷悉自足為郡守各以在職日淺則宜盡其政績不宜速他轉

也不經宰縣不得入為臺郎○宋諸縣署令銅印墨

綬進賢兩梁冠自晉宋以後令長國相皆如漢制齊

琰字季珪為山陰令父僧祐亦為山陰令父子並著奇績世云諸傳有治縣譜子孫相傳不以示人梁顧

憲之字士思為建康令京師飲酒得醇旨者輒號為顧建康謂其清且美也又何遠字義方自武昌太守

除名後起為武康令正身厲廉節除淫祀武帝聞其名擢為宣城太守自縣令為近畿大郡近代未有又

張稷字公喬為剡縣令多為山水遊及山賊作亂又保全縣境又蕭景字子昭為永寧令永嘉太守陽郡

門曰諸縣有疑滯可就永寧令決之後魏縣置三令長說在刺○孝文

初制縣令能靜一縣劫盜者兼理二縣即食其祿能

靜二縣者兼理三縣三年遷為郡守二千石能靜二

郡者兼理至三郡亦如之三年遷為刺史太和中次

職令其祿甚厚後魏孝文以北平府長史裴聿中書

以亮帶野王令聿帶溫縣令時人榮之其後令長用人益雜但選勤舊

令吏為之而縉紳之流耻居其位○北齊制縣為上

中下三等每等又有上中下之差自上上縣至下下

縣凡九等然猶因循後魏用人濫雜至於士流耻居
之元文遙遂奏於武成帝請革之乃密令搜楊世胄
子弟恐其辭訴總召集神武門宣旨慰諭而遣自此
縣令始以士人為之○隋縣有令有長煬帝以大興
長安河南洛陽四縣令並增正五品諸縣皆以所管
閑劇及衝要之處以為等級開皇十三年以臨穎令
劉橫治政尤興擢為營
州刺史文魏德深為貴鄉長轉館陶長貴鄉民吏號
泣請留詔許之貴鄉民吏歌呼滿道館陶合境悲哭
大唐縣有赤三府共
有六縣畿八十
望七十緊百一
上四十
六中二百九
十六下五百五
十四六等之差京都所治為赤縣
京之旁邑為畿縣
其餘則以戶口多少資地美惡為差凡一千五百七十三縣令各一人
天寶四載柳奕為長安
令有賊罪朝堂杖殺之

總論縣佐主簿
五百附

漢縣有丞尉及諸曹掾兼多以本部人為之三輔縣則
兼用他郡及隋氏革選盡用

他郡後漢縣諸曹畧如郡員喬玄為縣功曹事具部
郡從事篇又升光泥和

為縣功曹縣今遣泥
和拜檄謂邑郡太守又五官為廷掾監鄉五部春夏

為勸農掾秋冬為制度掾後漢爰正字季平外黃金
牛述禮請延為廷掾苑甯

為功曹僕陽替為主
簿常共言談而已○晉縣有主簿功曹廷掾法曹

金倉賊曹掾兵曹賊捕掾等員○隋煬帝改縣尉為

縣正尋改正為戶曹法曹分司以丞郡之六司其京

四縣則加置功曹為三司司各二人大唐縣有令而

置七司一如郡制武德元年詔京令五品丞一人七
品正四人八品止縣令六品丞一人

七品正四人八品止縣令六品丞一人
八品正四人九品中下縣各有差承為副一如州
上佐

主簿上轄如錄事參軍其曹謂之錄事司尉分理諸

曹判如州錄事省受符歷佐史行其簿書○丞漢諸縣

皆有兼主刑獄囚徒史記曰記捕淮南太子淮南相

注曰丞主刑獄囚徒故責之漢書曰黃霸為潁川大

守務在成就全安長史許丞老病聾督郵白欲逐之

霸曰許丞廉吏雖老尚能拜起送迎頗重聽何

傷且善助之母失賢者意如淳曰許縣丞也後漢

令長國相各置丞一人署文書典知倉獄署諸曹掾

史凡諸縣署丞皆銅印黃綬進賢一梁冠自晉後無

丞宋時唯建康有獄丞隋及大唐縣丞各一人通判

縣事赤縣置○主簿謂主諸簿目漢有之後漢繆彤字孺

時縣令被章見考吏皆畏懼自誣而彤獨證據掠考

獄苦毒至乃體生蟲蟻因轉換五踰涉四年令卒以

自免又寧陽主簿詣闕訴其縣令之枉積六七歲不

省乃復上書曰臣為陛下為臣積六七歲不

終不見省臣豈可北詣單于庭訴冤乎帝大怒劾以

大逆虞詡駁之曰主簿所訟君父之怨百上不肖是

有司之過又仇覽字季智一名香初為蒲亭長有陳

元者母告其子不孝覽為陳慈孝之道卒成孝子考

城令王渙政尚嚴猛聞覽以德化人署為主簿謂覽

曰主簿聞陳元之過而不罪得無少鷹鷂之志耶覽

曰以為鷹鷂不若鸞鳳渙謝曰枳棘非鸞鳳所棲百

里非大賢之路乃以月俸資遣令入大學其名大振

晉亦有之他史多闕謂自漢以來皆令長自大唐赤縣

置二人他縣各一人掌付事勾稽省署抄目糾正縣

內非違監印給紙筆○尉漢諸縣皆有長安有四尉

後漢令長國相亦皆有尉大縣二人小縣一人主盜

賊案察姦宄應劭漢官曰大縣丞右尉所謂命署諸

曹掾史邊縣有障塞尉掌禁備羗夷犯塞洛陽有西

北四部曹公為魏因之晉洛陽建康皆置六部尉朱

北四部尉是也

尉是也

尉是也

尉是也

尉是也

尉是也

尉是也

齊梁陳並因之餘縣如漢制諸縣道尉銅印黃綬朝服武冠江左止單衣介憤北齊郡縣置三尉隋改為

正後置尉又分為戶曹法曹說在縣佐篇大唐初因隋制

武德元年萬年縣法曹孫伏如上表論事後為尚書右丞武德中復改為正七年三

月復改為尉赤縣置六員他縣各有差分判諸司事上縣

二員萬戶以上者增一員中縣一員四千戶以五百

上者增一員中下縣一員佐史以下各有差

宋志曰謂官府至郡各置五百又韋曜曰五百字本

為伍伯當也使之導引當道陌中以驅除也又周禮

秋官有緜狼氏掌執鞭以趨避王出入則入人夾道

此近之矣又漢官中有伯使主為諸侯官驅使避路

於道陌中故言伯使任其此也今州縣官有雜職者

掌行鞭捶每官出則執楚導引呵門行路殆其職也

鄉官

周禮有鄉師鄉老鄉大夫之職其任大矣鄉老管萬二千五百

家次有州長二千五百家黨正五百家族師百家為族

也閭胥二十五家為閭凡鄙師五鄰鄰長五隣

五家為鄰皆不命之士為之皆鄉里之官也大凡各掌其鄉黨州

里之政理云秦制大率十里一亭亭有長十亭一鄉

鄉有三老有秩嗇夫游徼風俗通曰有秩者言其官

也言當消息百姓均其賦役二老掌教化嗇夫職聽訟收賦稅游

徼巡禁盜賊○漢鄉亭及官皆依秦制也縣大率方

百里其人稠則減稀則曠鄉亭亦如之高后元年初

置孝悌力田二千石者一人特置孝悌力田官而置

敦行後廢至文帝十二年又置三老及孝悌力田無

常員平帝又置外史閭師官○後漢鄉官與漢同有

秩郡所署秩百石鄉戶五千一鄉人其鄉小者縣

置嗇夫一人後漢爰延字季平為鄉嗇夫仁化皆主大行民但聞嗇夫不知郡縣也

知民善惡為役先後知民貧富為賦多少平其差品

三老掌教化凡有孝子順孫貞女義婦讓財救患及

學士為民式者皆扁表其門以興善行又有鄉佐屬

稅亭有亭長十里一亭五里一郵間相去二里半

收執賊亭吏舊名亭員後改為長或為亭父主禁盜賊後漢陳寔字仲弓為西門亭長又仇

覽為蒲亭長說在主簿篇又先賢傳曰逢萌字子康為縣亭長時尉行過亭萌候迎拜謁既而擲盾歎曰

大丈夫安能為人役哉遂去之至里有里魁民有什

伍善惡以告里魁掌一里百家什主十家伍主五家

以相檢察民有善惡以告監官○晉縣五百戶以上

皆置一鄉三千戶以上置二鄉五千戶以上置三鄉

萬戶以下置四鄉鄉置嗇夫一人縣率百戶置里吏

一人其土廣人稀聽隨宜置里吏限不得減五十戶

戶千以上置校官據一人縣皆置方畧吏四人○宋

五家為伍伍長主之二伍為什什長主之什十為里

里魁主之十里為亭亭里長主之十亭為鄉鄉有鄉

佐三老有秩嗇夫游徼各一人所職與秦漢同○隋

以周齊州郡縣職自州都都正以縣正以下皆郡將

縣令而自調用理時事至開皇初不知時事直謂之

鄉官官別置品皆吏部除授每歲考殿最開皇十五

年罷州縣鄉官○大唐凡百戶為一里里置正一人



五里爲一鄉鄉置耆老一人以耆年平謹者縣補之亦曰父老貞觀九年每鄉置耆一人佐二人至十五年省太極元年初令老人年九十以上板授下州刺史朱衣執象笏八十以上板授上州司馬綠衣執木笏天寶七年詔父老六十板授本縣丞七十以上授縣令三十里置一驛其非通途大路則曰館大驛各有將以州里富強之家主之以待行里自王德之後民貧不堪命遂以官司掌焉凡天下水陸驛一千五百八十七

鎮戍關市官

隋鎮置將副戍置主副關市置令丞大唐因之各有上中下三等關令古官戍主晉宋之顯職鎮將後周通班今以其卑賤與隋制同故舉隋

致仕官

周制大夫七十致仕大唐令諸職事官七十聽致仕五品以上上表六品以下申省奏聞諸文武選人六品以下有老疾不堪公務有勞考及勳績情愿給授散官者依其五品以上籍年雖少形貌衰老者聽以致仕開元五年十月勅致仕官三品以上並聽朝朔望二十五年正月制曾任五品以上清貧官以理去職者所司具錄名奏老病不堪釐務者與致仕官同天寶九年三月勅如聞六品以下致仕官四載之後准格並停念其衰老必藉安存豈限高卑而恩有差

降應六品以下致仕官並終其餘年仍未爲式

社氏通典卷第三十三終

杜氏通典卷第二十四

職官十六

文散官

開府儀同三司 特進 光祿大夫以下

武散官

驃騎將軍 輔國將軍 鎮軍將軍以下

諸校尉 勳官 后妃及內官命婦附

文散官

開府儀同三司

漢文帝元年始用宋昌爲衛將軍位亞三司。後漢章帝建初三年始使車騎將軍馬防班同三司同三

